



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՎՃՌԱԲԵԿ ԴԱՏԱՐԱՆ

Ո Ր Ո Շ ՈՒ Մ

ՀԱՆՈՒՆ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

Հայաստանի Հանրապետության
վերաքննիչ քրեական դատարանի որոշում
Նախագահող դատավոր՝ Վ.Ռշտունի
Դատավորներ՝ Մ.Պապոյան
Ա.Վարդանյան

ՀՀ վճռաբեկ դատարանի հակակոռուպցիոն պալատի կոռուպցիոն հանցագործությունների քննության դատական կազմը (այսուհետ՝ նաև Վճռաբեկ դատարան),

նախագահությամբ՝ Ս.ՉԻՉՈՅԱՆԻ
մասնակցությամբ դատավորներ՝ Կ.ԲԻՇԱՐՅԱՆԻ
Ա.ԿՐԿՅԱՇԱՐՅԱՆԻ

2023 թվականի մարտի 17-ին

քաղաք Երևանում

գրավոր ընթացակարգով քննության առնելով ամբաստանյալ Հասմիկ Ռազմիկի Մկրտչյանի վերաբերյալ ՀՀ վերաքննիչ քրեական դատարանի (այսուհետ նաև՝ Վերաքննիչ դատարան) 2021 թվականի հոկտեմբերի 21-ի որոշման դեմ ՀՀ գլխավոր դատախազի տեղակալ Հ.Ասլանյանի վճռաբեկ բողոքը¹,

¹ Համաձայն ՀՀ քրեական դատավարության օրենսգրքի անցումային դրույթները կարգավորող 483-րդ հոդվածի 8-րդ մասի՝ սույն բողոքը քննվում է մինչև 2022 թվականի հուլիսի 1-ը գործող կարգով:

Գործի դատավարական նախապատմությունը.

1. 2016 թվականի հունիսի 30-ին ՀՀ կառավարությանն առընթեր ազգային անվտանգության ծառայության քննչական վարչությունում հարուցվել է թիվ 58211116 քրեական գործը 2003 թվականի ապրիլի 18-ին ընդունված ՀՀ քրեական օրենսգրքի (այսուհետ՝ ՀՀ քրեական օրենսգրք) 179-րդ հոդվածի 3-րդ մասի 1-ին կետով նախատեսված հանցագործության հատկանիշներով:

Նախաքննության մարմնի՝ 2016 թվականի օգոստոսի 8-ի որոշմամբ Հ.Մկրտչյանը ներգրավվել է որպես մեղադրյալ, և նրան մեղադրանք է առաջադրվել ՀՀ քրեական օրենսգրքի 179-րդ հոդվածի 3-րդ մասի 1-ին կետով:

2017 թվականի դեկտեմբերի 8-ի որոշմամբ թիվ 58211116 քրեական գործով Հ.Մկրտչյանին առաջադրված մեղադրանքի մասը վերացվել է, առաջադրված մեղադրանքը փոփոխվել, լրացվել և նոր մեղադրանք է առաջադրվել երկու դրվագ ՀՀ քրեական օրենսգրքի 179-րդ հոդվածի 3-րդ մասի 1-ին կետով, երկու դրվագ ՀՀ քրեական օրենսգրքի 308-րդ հոդվածի 1-ին մասով և ՀՀ քրեական օրենսգրքի 314-րդ հոդվածով:

2017 թվականի դեկտեմբերի 15-ի որոշմամբ թիվ 58211116 քրեական գործով Հ.Մկրտչյանին առաջադրված մեղադրանքը փոփոխվել, լրացվել է, և նոր մեղադրանք է առաջադրվել երկու դրվագ ՀՀ քրեական օրենսգրքի 179-րդ հոդվածի 3-րդ մասի 1-ին կետով, երկու դրվագ ՀՀ քրեական օրենսգրքի 308-րդ հոդվածի 1-ին մասով և ՀՀ քրեական օրենսգրքի 314-րդ հոդվածով:

2017 թվականի դեկտեմբերի 28-ին թիվ 58211116 քրեական գործը մեղադրական եզրակացությամբ ուղարկվել է Երևան քաղաքի առաջին ատյանի ընդհանուր իրավասության դատարան (այսուհետ նաև՝ Առաջին ատյանի դատարան):

2. Առաջին ատյանի դատարանի՝ 2019 թվականի դեկտեմբերի 18-ի դատավճռով, դատական քննության արագացված կարգի կիրառմամբ, Հ.Մկրտչյանի նկատմամբ ՀՀ քրեական օրենսգրքի 308-րդ հոդվածի 1-ին մասով քրեական հետապնդումը դադարեցվել է՝ քրեական պատասխանատվության ենթարկելու վաղեմության ժամկետն անցնելու հիմքով: Նույն դատավճռով Հ.Մկրտչյանը մեղավոր է ճանաչվել երկու դրվագ ՀՀ քրեական օրենսգրքի 179-րդ հոդվածի 3-րդ մասի 1-ին կետով, ՀՀ քրեական օրենսգրքի 308-րդ հոդվածի 1-ին մասով և ՀՀ քրեական օրենսգրքի 314-րդ հոդվածով: ՀՀ քրեական օրենսգրքի 179-րդ հոդվածի 3-րդ մասի 1-ին կետով նախատեսված երկու դրվագ հանցագործությունների համար հինգ տարի վեց ամիս ժամկետով նշանակված ազատազրկմանը գումարվել է մյուս դրվագներով հանցագործությունների համար 600.000 ՀՀ դրամի չափով նշանակված տուգանքն ու նրա նկատմամբ վերջնական պատիժ է նշանակվել ազատազրկում՝ հինգ տարի վեց ամիս ժամկետով և տուգանք՝ 600.000 ՀՀ դրամի չափով՝ պետական համակարգում, այդ թվում՝ ոչ առևտրային կազմակերպությունում ղեկավար պաշտոններ

գրադեցնելու իրավունքից զրկելով՝ երկու տարի ժամկետով: ՀՀ քրեական օրենսգրքի 70-րդ հոդվածի հիման վրա ազատագրկման ձևով նշանակված պատիժը պայմանականորեն չի կիրառվել, և սահմանվել է փորձաշրջան՝ երեք տարի ժամկետով:

Նույն դատավճռով տուժողի ներկայացուցիչ Հ.Մարգարյանի քաղաքացիական հայցը թողնվել է առանց քննության՝ իրավունք վերապահելով քաղաքացիական հայց ներկայացնել քաղաքացիական դատավարության կարգով:

Հ.Մկրտչյանի նկատմամբ որպես խափանման միջոց ընտրված չհեռանալու մասին ստորագրությունը թողնվել է անփոփոխ՝ մինչև դատավճռի օրինական ուժի մեջ մտնելը:

3. Երևան քաղաքի Արաբկիր և Քանաքեռ-Զեյթուն վարչական շրջանների դատախազի տեղակալ Ա.Առաքելյանի վերաքննիչ բողոքի քննության արդյունքում Վերաքննիչ դատարանը 2021 թվականի հոկտեմբերի 21-ի որոշմամբ վերաքննիչ բողոքը մերժել է, Առաջին ատյանի դատարանի 2019 թվականի դեկտեմբերի 18-ի դատավճիռը մասնակի բեկանել և փոփոխել է, ամբաստանյալ Հ.Մկրտչյանի նկատմամբ ՀՀ քրեական օրենսգրքի 308-րդ հոդվածի 1-ին մասով և 314-րդ հոդվածով քրեական հետապնդումը դադարեցրել՝ քրեական պատասխանատվության ենթարկելու վաղեմության ժամկետներն անցնելու հիմքով՝ մնացած մասով դատավճիռը թողնելով անփոփոխ:

4. Վերաքննիչ դատարանի 2021 թվականի հոկտեմբերի 21-ի որոշման դեմ վճռաբեկ բողոք է բերել ՀՀ գլխավոր դատախազի տեղակալ Հ.Ասլանյանը:

2022 թվականի ապրիլի 19-ի որոշմամբ Վճռաբեկ դատարանը ՀՀ գլխավոր դատախազի տեղակալ Հ.Ասլանյանի վճռաբեկ բողոքն ընդունել է վարույթ: Վճռաբեկ դատարանի՝ 2022 թվականի հունիսի 21-ի որոշմամբ սահմանվել է վճռաբեկ բողոքի քննության գրավոր ընթացակարգ:

Վճռաբեկ բողոքի հիմքերը, հիմնավորումները և պահանջը.

5. Վճռաբեկ բողոքը քննվում է հետևյալ հիմքերի սահմաններում ներքոհիշյալ հիմնավորումներով.

Բողոքի հեղինակը գտել է, որ Առաջին ատյանի դատարանի՝ ՀՀ քրեական օրենսգրքի 70-րդ հոդվածի հիման վրա ամբաստանյալ Հ.Մկրտչյանի նկատմամբ նշանակված պատիժը պայմանականորեն չկիրառելու վերաբերյալ 2019 թվականի դեկտեմբերի 18-ի դատավճիռն անփոփոխ թողնելու մասին Վերաքննիչ դատարանի՝ 2021 թվականի հոկտեմբերի 21-ի որոշմամբ պատշաճ չեն գնահատվել գործի հանգամանքներն իրենց համակցության մեջ, ինչի արդյունքում կայացվել է չհիմնավորված որոշում, և ամբաստանյալ Հ.Մկրտչյանի նկատմամբ նշանակված պատիժը առանց բավարար հիմքերի պայմանականորեն չի կիրառվել:

5.1. Ի հիմնավորումն իր վերոհիշյալ փաստարկի՝ բողոքաբերը, վկայակոչելով Վճռաբեկ դատարանի՝ թիվ ԵԱԲԴ/0078/01/19, ԵՇԴ/0029/01/08, ՏԴ/0018/01/13, ՎԲ-

01/08 և ԵՔԴ/0252/01/13 գործերով կայացված որոշումներում արտահայտված իրավական դիրքորոշումները, նշել է, որ Առաջին ատյանի դատարանը Հ.Մկրտչյանի նկատմամբ ազատագրկման ձևով նշանակված պատիժը ՀՀ քրեական օրենսգրքի 70-րդ հոդվածի հիման վրա պայմանականորեն չկիրառելիս, իսկ Վերաքննիչ դատարանը Առաջին ատյանի դատարանի դատավճիռն անփոփոխ թողնելիս հաշվի չեն առել ամբաստանյալի կատարած արարքների բնույթն ու հանրային վտանգավորության աստիճանը, հանցանքների կատարման շարժառիթը, դրանց հետևանքով պատճառված վնասը: Մասնավորապես, ըստ բողոքաբերի, Առաջին ատյանի և Վերաքննիչ դատարաններն անտեսել են ամբաստանյալին մեղսագրվող հանցագործությունների՝ հանրային վտանգավորության բարձր աստիճանի մասին վկայող այն հանգամանքները, որ վերջինս մեղավոր է ճանաչվել պաշտոնեական դիրքն օգտագործելով երկու դրվագ ծանր հանցագործություն կատարելու մեջ, հանցագործությունները կատարել է այլ անձանց հանցակցությամբ, ինչպես նաև իրեն մեղսագրվող հանցագործություններով ընդհանուր 33 միլիոն ՀՀ դրամից ավելի գույքային վնաս պատճառված լինելու պայմաններում գործի՝ ավելի քան երեք տարի տևած քննության ընթացքում հանցագործությամբ պատճառված վնասն ամբողջությամբ չի վերականգնել:

5.2. Բացի այդ, բողոքաբերը գտել է, որ Վերաքննիչ դատարանի կողմից ամբաստանյալ Հ.Մկրտչյանի անձի դրական բնութագիրը հաստատելու համար հիմք ընդունված տեղեկությունները բավարար չեն կարող համարվել:

Բողոքաբերն իր անհամաձայնությունն է հայտնել նաև Վերաքննիչ դատարանի դատական ակտում արված այն հետևությանը, որ որպես ամբաստանյալ Հ.Մկրտչյանի պատիժը և պատասխանատվությունը մեղմացնող հանգամանք է հանդիսանում վերջինիս կողմից քրեական գործի քննության ընթացքում այլ հանցավոր արարքներ կատարելուց զերծ մնալը և քննությունից ու դատից չխուսափելը:

Ի հիմնավորումն իր վերոշարադրյալ փաստարկի՝ բողոքաբերը նշել է, որ անձի կողմից գործի քննության ընթացքում պատշաճ վարքագիծ դրսևորելը որպես վերջինիս պատասխանատվությունը և պատիժը մեղմացնող հանգամանք դիտելն այն դեպքում, երբ նրա նկատմամբ կիրառված է չհեռանալու մասին ստորագրություն խափանման միջոցը, արժեզրկում է խափանման միջոցի ինստիտուտի նշանակությունը:

5.3. Բողոքաբերը եզրահանգել է, որ ամբաստանյալ Հ.Մկրտչյանի նկատմամբ ՀՀ քրեական օրենսգրքի 70-րդ հոդվածի կիրառումն անհամատեղելի է ՀՀ քրեական օրենսգրքի 10-րդ, 48-րդ և 61-րդ հոդվածների պահանջների հետ, քանի որ հակասում է արդարության և պատասխանատվության անհատականացման, պատիժ նշանակելու ընդհանուր սկզբունքներին, չի նպաստում սոցիալական արդարության վերականգնմանը և հանցագործությունների կանխմանը:

5.4. Վերոշարադրյալի հիման վրա բողոքաբերը խնդրել է բեկանել և փոփոխել երկու դրվագ ՀՀ քրեական օրենսգրքի 179-րդ հոդվածի 3-րդ մասի 1-ին կետով նախատեսված հանցագործություններ կատարելու համար ամբաստանյալ Հ.Մկրտչյանի նկատմամբ հինգ տարի վեց ամիս ժամկետով ազատազրկման ձևով նշանակված վերջնական պատիժը ՀՀ քրեական օրենսգրքի 70-րդ հոդվածի հիման վրա պայմանականորեն չկիրառելու մասով Առաջին ատյանի դատարանի 2019 թվականի դեկտեմբերի 18-ի դատավճիռն անփոփոխ թողնելու մասին Վերաքննիչ դատարանի 2021 թվականի հոկտեմբերի 21-ի որոշումը և Հ.Մկրտչյանի նկատմամբ նշանակել ազատազրկման ձևով պատիժ՝ առանց ՀՀ քրեական օրենսգրքի 70-րդ հոդվածի կիրառման:

Վճռաբեկ բողոքի քննության համար էական նշանակություն ունեցող փաստական հանգամանքները.

6. Նախաքննության մարմնի կողմից 2017 թվականի դեկտեմբերի 15-ին Հասմիկ Ռազմիկի Մկրտչյանին մեղադրանք է առաջադրվել ՀՀ քրեական օրենսգրքի 179-րդ հոդվածի 3-րդ մասի 1-ին կետով (2 դրվագ), 308-րդ հոդվածի 1-ին մասով (2 դրվագ) և 314-րդ հոդվածով հանրորեն վտանգավոր այն արարքների համար, որ վերջինս «(...) հանդիսանալով ՀՀ աշխարանքի և սոցիալական հարցերի նախարարության կազմում գործող «Մարի Իզմիրյանի անվան մանկապրուն» պեյրական ոչ առևտրային կազմակերպությունում կազմակերպական-փնտրինչական, վարչարնրեասական գործառույթներ իրականացնող պաշտոնատար անձ, պաշտոնեական դիրքն օգտագործելով, շահադիպական և մեկ միասնական դիրավորությամբ, յուրացման և վարնման եղանակներով հաիշտակել է իրեն վարահված, առանձնապես խոշոր չաիերով ուրիշի գույքը, ինչպես նաև իր պաշտոնեական դիրքը շահադիպական դրդումով և խմբային շահերից ելնելով օգտագործել է ծառայության շահերին հակառակ՝ այդ կերպ չարաշահելով իր լիազորությունները և էական վնաս պատճատելով պեյրության օրինական շահերին, և նույն շարժադիթներով կատարել է պաշտոնեական կեղծիք:

Այսպես, Հասմիկ Ռազմիկի Մկրտչյանը 18.10.2005թ. մինչև 25.05.2006թ. զբաղեցրել է ՀՀ աշխարանքի և սոցիալական հարցերի նախարարության կազմում գործող «Մարի Իզմիրյանի անվան մանկապրուն» ՊՈԱ կազմակերպության փնտրենի պաշտոնակատարի պաշտոնը, այնուհետև՝ 25.05.2006թ. մինչև 2016 թվականի սեպտեմբերի 8-ը զբաղեցրել է նշված նախարարության կազմում գործող «Մարի Իզմիրյանի անվան մանկապրուն» ՊՈԱ կազմակերպության փնտրենի պաշտոնը և իրականացրել է կանոնադրությամբ սահմանված կազմակերպական-փնտրինչական, վարչարնրեասական գործառույթներ՝ փաստացի ղեկավարելով կազմակերպությունը: Ոնենալով համապատասխան թափուր աշխատարեղերում անձանց աշխարանքի նշանակելու, ֆինանսական աշխարանքների կազմակերպման, համակարգման, ղեկավարման և վերահսկման լիազորություններ՝

օգտագործելով իր այդ լիազորությունները և պաշտոնեական դիրքը, յուրացման և վարման եղանակով նույն կազմակերպության հաշվապահ-գանձապահ Լիդա Սարգսյանի հետ նախնական համաձայնությամբ և վերջինիս օժանդակությամբ առանձնապես խոշոր չափերով հափշտակություն կատարելու մեկ միասնական դիրավորությամբ 2005թ. հոկտեմբերի 18-ից մինչև 2016թ. սեպտեմբեր ամիսն ընկած ժամանակահատվածում իր լիազորությունների շրջանակում մի շարք քաղաքացիների աշխատանքի ընդունման հրամաններ է փոխել՝ նրանց նշանակելով փարբեր հասարիքների: Այնուհետև, նրանց որպես աշխատավարձ փրամադրվող գումարները հատկացված գումարային ֆոնդից դուրս գրելու և նրանց աշխատանքի չհաճախելու պայմաններում նախ կնիքով և ստորագրությամբ հաստատել է կադրերի փեսուզներ Լիդա Սարգսյանի և Մարի Խայանի կողմից կազմված ակնհայտ կեղծ փեղեկություններ պարունակող և իրավունք վերապահող աշխատաժամանակի հաշվարկի փեղեկագրերը, սպա իր ստորագրությամբ հաստատել է հիշյալ փեղեկագրերի հիման վրա հաշվապահ-գանձապահ Լիդա Սարգսյանի կողմից կազմված, մինչև 2012թ. հունվար ամիսը գլխավոր հաշվապահ Սեդա Եղիազարյանի, իսկ սկսած 2012թ. փետրվար ամսվա փեղեկագրերից՝ գլխավոր հաշվապահ Քրիստինա Պողոսյանի կողմից ստորագրությամբ վավերացված ակնհայտ կեղծ փեղեկություններ պարունակող իրավունք վերապահող աշխատավարձի փեղեկագրերը: Արդյունքում իր պաշտոնեական դիրքն օգտագործելով, վերը նշված աշխատակիցների օժանդակությամբ սրեղծել է բարենպաստ պայմաններ, որի արդյունքում յուրացրել է աշխատանքի չհաճախած աշխատակիցների աշխատավարձի գումարները՝ այդ կերպ կատարելով առանձնապես խոշոր չափերով՝ ընդհանուր 28.716.284 ՀՀ դրամի յուրացման եղանակով հափշտակություն և 5.081.807 ՀՀ դրամ գումարի վարկում:

(...):

Բացի այդ, Հասմիկ Մկրտչյանը, ունենալով համապատասխան թափուր աշխատատեղերում անձանց աշխատանքի նշանակելու, աշխատանքից ազատելու, աշխատանքի բաշխում կատարելու լիազորություններ, պետության օրինական շահերին հակառակ օգտագործելով իր այդ լիազորություններն ու պաշտոնեական դիրքը՝ իր կողմից ղեկավարած փեղեկական ոչ առևտրային կազմակերպությունում մի շարք աշխատակիցների կողմից աշխատանքի չհաճախելու պայմաններով այլ աշխատակիցների է հանձնարարել կատարել փոխյալ պարտականությունները, որով խաթարվել է մանկատան աշխատանքը՝ աշխատակիցների՝ կամայականորեն աշխատանքի չհաճախելու հերևանքով մանկատան երեխաները զրկվել են լիարժեք ինամբ և մասնագիտական սպասարկում սրանալուց, որը սահմանված է ՀՀ կառավարության 2015 թվականի հոկտեմբերի 29-ի թիվ 1292-Ն որոշմամբ հաստատված կարգով, ինչպես նաև՝ աշխատանքի չհաճախած անձանց անվամբ հաշվարկվել է աշխատանքային փորձ և չնախատեսված կենսաթոշակ, ինչի

արդյունքում պետությանը պատճառվել է 682.234 ՀՀ դրամի չափով էական գույքային վնաս:

(...):

Բացի այդ, Հասմիկ Մկրտչյանը, հանդիսանալով «Մարի Բզմիրյանի անվան մանկապրուն» ՊՈԱԿ-ի փնտրեն, օժտված լինելով կազմակերպական-փնտրինչական, վարչարարական գործառնությունների իրականացմամբ, ունենալով համապատասխան թափուր աշխատատեղերում անձանց աշխատանքի նշանակելու, աշխատանքից ազատելու, աշխատանքի բաշխում և վերաբաշխում կատարելու լիազորություններ, պետության օրինական շահերին հակառակ օգտագործելով իր այդ լիազորություններն ու պաշտոնական դիրքը, հաշվապահ Լիդա Սարգսյանի օժանդակությամբ, իր ղեկավարած պետական ոչ առևտրային կազմակերպության համապատասխան աշխատակիցներին հանձնարարել է ֆիզիոթերապիա-վերականգնողարանի թափուր հասարիքի վրա ձևակերպել Գասպար Ռևազյանին և Հասմիկ Խանվելյանին՝ վերջինների կողմից աշխատանքի չհաճախելու պայմաններում, ինչի արդյունքում մանկապրուն երեխաները զրկվել են լիարժեք խնամք և մասնագիտական սպասարկում սրանալուց՝ սահմանված ՀՀ կառավարության 2015 թվականի հոկտեմբերի 29-ի 1292-Ն որոշմամբ հաստատված կարգով, խաթարվել է մանկապրուն աշխատանքը:

(...):

Բացի այդ, Հասմիկ Մկրտչյանը ՀՀ աշխատանքի և սոցիալական հարցերի նախարարության կազմում գործող «Մարի Բզմիրյանի անվան մանկապրուն» ՊՈԱԿ-ի փնտրենի պաշտոնակատարի և փնտրենի պաշտոնները զբաղեցնելու ընթացքում, հանդիսանալով պաշտոնատար անձ, վերը նկարագրված մեկ միասնական դիրավորությամբ, յուրացման և վարման եղանակներով առանձնապես խոշոր չափերով հափշտակություններ կատարելու շահադիտական նպատակով՝ մանկապրուն հաշվապահ Լիդա Սարգսյանի և գլխավոր հաշվապահներ Սեդա Եղիազարյանի և Քրիստինա Պողոսյանի օժանդակությամբ կազմել և շրջանառության մեջ է դրել իր ստորագրությամբ հաստատված իրավունք վերապահող պաշտոնական փաստաթղթեր հանդիսացող, ակնհայտ կեղծ տեղեկություններ պարունակող թվով 128 աշխատավարձի տեղեկագրերը, ինչպես նաև՝ հաշվապահ Արդա Սարգսյանի և կադրերի տեսուչ Մարի Խայանի օժանդակությամբ կազմել և շրջանառության մեջ է դրել իր ստորագրությամբ և մանկապրուն կնիքով իր կողմից հաստատված իրավունք վերապահող պաշտոնական փաստաթղթեր հանդիսացող, ակնհայտ կեղծ տեղեկություններ պարունակող թվով 123 աշխատաժամանակի հաշվարկի տեղեկագրերը, որոնց մեջ աշխատանքի չհաճախելու կամ աշխատանքային ռեժիմը խախտելու պայմաններում ներառված են եղել Քրիստինե Ռաֆոյանի, Կարինե Հայրապետյանի, Ալվարդ Գրիգորյանի, Հասմիկ Ղազարյանի, Արմինե Խաչատրյանի, Աշոտ Սարգսյանի, Բավական Սրեփանյանի, Շուշանիկ Մանուկյանի, Արծվիկ Մուրադխանյանի,

Լուսինե Իսպիրյանի, Հակոբ Գրիգորյանի, Վիոլետրա Սեփակյանի, Ազարուհի Միմոնյանի, Լուիզա Հայրապետյանի, Մարտին Ավագյանի, Վալենտինա Աբրահամյանի, Արմեն Հովակիմյանի, Լիանա Իվանյանի, Մարիա Ավետիսյանի, Լիլիանա Կարախանովայի, Ալբերտ Սարգսյանի, Հայկանուշ Սարգսյանի, Էդուարդ Հայրապետյանի, Հրաչյա Հովհաննիսյանի, Վարազդատ Խաչատրյանի, Ռիդա Ղազարյանի, Հասմիկ Խանվելյանի, Գասպար Ռևագյանի, Կարեն Պասպանդյանի, Սեդրակ Սարգսյանի, Արման Պողոսյանի, Քրիստինե Սարգսյանի և Էդգար Պողոսյանի փոխալները (...):»²:

7. Առաջին ատյանի դատարանն իր դատավճռում արձանագրել է. «(...) Հասմիկ Ռազմիկի Մկրտչյանի անձը դրականորեն բնութագրող հանգամանք է հարևանների և աշխատակիցների կողմից դրականորեն բնութագրվելը:

Հասմիկ Ռազմիկի Մկրտչյանի պարասիսանարվությունն ու պարիժը մեղմացնող հանգամանք է 50 տարեկան կին լինելը, նախկինում արարավորված՝ դարասպարսկացի չլինելը, մեղքն ընդունելը և կարարած արարքների համար զղջալը:

Դատարանը Հասմիկ Ռազմիկի Մկրտչյանի պարասիսանարվությունն ու պարիժը մեղմացնող հանգամանք է դիտում նաև «Խաչատրուր Արովյանի անվան հայկական պետական մանկավարժական համալսարան» հիմնադրամում հատուկ մանկավարժության և հոգեբանության ամբիոնի դոցենտի ասպիճան ունենալը, ինչպես նաև՝ ձախակողմյան հայմորիոր, C3-C4 ողերի մարմինների կոնկրենսցենցիա, C3 ողի անտերոլիստեզ, ողնաշարի պարանոցային հարվածի դեգեներատիվ-դիստրոֆիկ փոփոխություններ ունենալը:

Վերը նշված պարասիսանարվությունն ու պարիժը մեղմացնող հանգամանքները չորս հանցագործություններով էլ առկա են:

(...):

Կարարած արարքների համար ամբաստանյալ Հասմիկ Ռազմիկի Մկրտչյանը ենթակա է քրեական պարասիսանարվության և պարժի:

Դատարանը, հաշվի առնելով Հասմիկ Ռազմիկի Մկրտչյանի կարարած հանցանքների՝ հանրության համար վրանգավորության ասպիճանը և բնույթը, այդ թվում՝ նրա գործողությունների վրանգավորության ասպիճանը, նրա անձը, պարասիսանարվությունն ու պարիժը մեղմացնող հանգամանքները, ծանրացնող հանգամանքների բացակայությունը, (...) գտնում է, որ (...) Հասմիկ Ռազմիկի Մկրտչյանի նկատմամբ վերջնական պարիժներ պետք է նշանակել ազատազրկում՝ 5 (հինգ) տարի 6 (վեց) ամիս ժամկետով և տուգանք՝ նվազագույն աշխատավարձի վեցհարյուրապարիկի՝ 600.000 ՀՀ դրամի չափով՝ պետական համակարգում, այդ թվում՝ ոչ առևտրային կազմակերպությունում, ղեկավար պաշտոններ զբաղեցնելու իրավունքից զրկելով՝ 2 տարի ժամկետով:

(...):

² Տե՛ս, քրեական գործ, հատոր 15, էջեր 115-124:

Գալարարանը, անդրադառնալով փուժողին պարճատած վնասը վերականգնելու մասով վկայակոչված որոշմանը արտահայտված իրավական դիրքորոշմանը, հարկ է համարում նշել, որ Հասմիկ Ռազմիկի Մկրտչյանը, մեղսագրվող արարքներում իրեն մեղավոր ճանաչելով, քաղաքացիական հայցը՝ ներկայացված ծավալի չափով, չի ընդունել, այլ հայտնել է, որ արդարացիորեն ընդունում է, որ գույքային պահանջ պետք է լինի, սակայն ոչ մեղադրանքում նշված ամբողջ ծավալի չափով և միայն իր նկատմամբ: Պարտաստ է յուրաքանչյուր ամիս իր 140.000 ՀՀ դրամ աշխատավարձը կամ դրա զգալի մասը վճարել պետությանը՝ որպես վնասի հատուցում:

Նշվածից պարզ է դառնում, որ Հասմիկ Ռազմիկի Մկրտչյանը թեև չի ընդունել ներկայացված քաղաքացիական հայցը, սակայն չի հրաժարվում վնաս հատուցելու հանգամանքից, քանի որ իր համար նույնպես ընդունելի է, որ պետությանը պարճատել է վնաս, որը պետք է փոխհատուցվի: Միաժամանակ, պետք է նկատել, որ Հասմիկ Ռազմիկի Մկրտչյանի բանկային հաշիվներում առկա գումարը՝ 2.580.614 ՀՀ դրամի չափով, գրնվում է արգելանքի տակ, իսկ ևս 1.100.000 ՀՀ դրամ վերջինը որպես վնասի փոխհատուցում մուծել է ՀՀ քննչական կոմիտեի դեպոզիտ հաշվին:

Ինչ վերաբերում է հանցագործությունից հետո ամբաստանյալ Հասմիկ Ռազմիկի Մկրտչյանի դրսևորած վարքագծին, ապա նա ընդունել է մեղքը, զղջացել և որոշակի գումար հատուցել, ինչպես նաև՝ զերծ է մնացել այլ հանցավոր արարքներ կատարելուց և չլինելով կալանավորված՝ չի խուսափել քննությունից և դատից: Ընդ որում, սույն քրեական գործի հարուցումից հետո անցել է երեքուկես տարի, որի ընթացքում ամբաստանյալը գրնվել է ազատության մեջ և այդ փաստն ինքնին ողջամերորեն նվազեցնում է ազատազրկման ձևով պարժի կրման անհրաժեշտությունը: Ավելին՝ թեև Գալարարանի կողմից բարձր է գնահատվում հանցագործությամբ պարճատված վնասը վերականգնված լինելու հանգամանքը, սակայն դա չի կարող անբեկանելի հիմք հանդիսանալ պարիժը պայմանականորեն չկիրառելը մերժելու հարցում: Հակառակ մտրեցման դեպքում, կարացվի այնպես, որ անձին ազատությունից փաստացի զրկելը պայմանավորված է միմիայն պարճատված վնասը փոխհատուցված չլինելու հանգամանքով: Ընդ որում, քրեական գործում չկա այնպիսի փաստ, որ Հասմիկ Մկրտչյանը վնասը չի փոխհատուցել չարամերության պարճատով, այլ՝ միայն իրեն ներկայացված վնասի չափի հետ համաձայն չլինելու և հնարավոր գումարի բացակայության հետևանքով:

Գալարարանը, հաշվի առնելով վերը նշվածը, այդ թվում նաև՝ ամբաստանյալի պարասխանատվությունը և պարիժը մեղմացնող հանգամանքները, հանգում է այն հետևության, որ Հասմիկ Ռազմիկի Մկրտչյանի ուղղվելը հնարավոր է առանց պարիժը կրելու: (...):»³:

8. Վերաքննիչ դատարանն իր որոշման մեջ արձանագրել է հետևյալը. «(...) հաշվի առնելով, որ Հասմիկ Մկրտչյանին մեղսագրվող երկու դրվագ ՀՀ քրեական օրենսգրքի 308-րդ հոդվածի 1-ին մասով և ՀՀ քրեական օրենսգրքի 314-րդ հոդվածով

³ Տե՛ս, քրեական գործ, հատոր 19, էջեր 87-91:

նախատեսված արարքների վաղեմության ժամկետները լրացել են 2021 թվականի օգոստոսին, իսկ քրեական պատասխանատվության ենթարկելու վաղեմության ժամկետի ընթացքն այլ հանցանքներով ընդհատված լինելու մասին փաստական տվյալներ Վերաքննիչ դատարանին հայտնի չեն՝ Վերաքննիչ դատարանը գտնում է, որ Հասմիկ Մկրտչյանի նկատմամբ նշված հոդվածներով քրեական հետապնդումը պետք է դադարեցնել՝ քրեական պատասխանատվության ենթարկելու վաղեմության ժամկետներն անցնելու հիմքով:

(...) Արդյունքում ստացվում է, որ Հասմիկ Մկրտչյանը, բացի երկու դրվագ ՀՀ քրեական օրենսգրքի 179-րդ հոդվածի 3-րդ մասի 1-ին կետով նախատեսված արարքներից, իրեն մեղաազարված մյուս բոլոր արարքների համար փաստացի ազատվում է քրեական պատասխանատվությունից՝ վաղեմության ժամկետն անցնելու հիմքով:

(...):

Վերաքննիչ դատարանի համար հարկանշական է, որ թեև պարճատված վնասն ամբողջությամբ վերականգնված չէ, սակայն գործի քննության ընթացքում Հասմիկ Մկրտչյանը հարուցել է վնասի որոշակի մասը, ինչպես նաև Վերաքննիչ դատարանում վերաքննիչ բողոքի քննության ընթացքում, վերջինը ներկայացրել է նաև «Արարարքանկ» ԲԲ ընկերությունից իր անվամբ հաշվի քաղվածքը, որի համաձայն՝ Հասմիկ Մկրտչյանի անվամբ հաշվին առկա է 5000000 ՀՀ դրամ: Ավելին՝ Վերաքննիչ դատարանի համար հարկանշական է, որ ամբաստանյալի գույքի վրա դրված է կալանք: Եման պայմաններում Վերաքննիչ դատարանն արձանագրում է, որ թեև վնասի հարուցված լինելը կարևոր նշանակություն ունի անձի ուղղման և պարժի մյուս նպատակների ապահովման հարցը որոշելիս, սակայն վերոնշյալ պայմաններում վնասն ամբողջությամբ հարուցած չլինելն ինքնին չի կարող հիմք հանդիսանալ Հասմիկ Մկրտչյանի նկատմամբ ՀՀ քրեական օրենսգրքի 70-րդ հոդվածի կիրառումն անթույլատրելի ճանաչելու համար: Ուստի այս առումով ընդունելի չէ դատախազի այն պնդումը, որ նշվածը չի կարող գնահատվել որպես վնասը հարթելուն ուղղված ողջամիտ միջոցներ ձեռնարկել:

Ինչ վերաբերում է դատախազի այն պնդումներին, որ անձի պարզաձ վարքագիծ ունենալն այն պայմաններում, երբ կիրառված է եղել խափանման միջոց, որպես առանձնահատուկ դրական հանգամանք գնահատելն անթույլատրելի է, իսկ պարզաձ վարքագիծ դրսևորելն անձի պարտականությունն է, ապա Վերաքննիչ դատարանի համար թեև ընդունելի է, որ քրեական գործի քննության ընթացքում պարզաձ վարքագիծ դրսևորելն անձի պարտականությունն է և այն, որպես կանոն, չպետք է դրվի անձի նկատմամբ պարիժ նշանակելու հիմքում, սակայն Վերաքննիչ դատարանի գնահատմամբ նշվածն այլ հանգամանքների հետ համակցության մեջ նույնպես որոշակի չափով հիմք է տալիս գալու այն ողջամիտ եզրահանգման, որ ամբաստանյալը կանգնել է ուղղման ճանապարհին, ուստի առանց պարիժը կրելու հնարավոր է ապահովել պարժի նպատակների իրագործումը:

(...):

Ամիփոփելով վերոգրյալը՝ Վերաքննիչ դատարանը նույնպես գտնում է, որ ամբաստանյալ Հասմիկ Մկրտչյանի նկատմամբ երկու դրվագ ՀՀ քրեական օրենսգրքի 179-րդ հոդվածի 3-րդ մասի 1-ին կետով նշանակված վերջնական պարիժը պայմանականորեն չկիրառելով առաջին արյանի դատարանը եկել է հիմնավոր հետևության»⁴:

Վճռաբեկ դատարանի պատճառաբանությունները և եզրահանգումը.

9. Սույն գործով Վճռաբեկ դատարանի առջև բարձրացված իրավական հարցը հետևյալն է. հիմնավոր են արդյոք ամբաստանյալ Հ.Մկրտչյանի նկատմամբ նշանակված պատիժը պայմանականորեն չկիրառելու վերաբերյալ ստորադաս դատարանների հետևությունները:

10. ՀՀ քրեական օրենսգրքի 10-րդ հոդվածի 1-ին մասի համաձայն՝

«Հանցանք կատարած անձի նկատմամբ կիրառվող պարիժը և քրեաիրավական ներգործության այլ միջոցները պետք է լինեն արդարացի՝ համապատասխանեն հանցանքի ծանրությանը, դա կատարելու հանգամանքներին, հանցավորի անձնավորությանը, անհրաժեշտ և բավարար լինեն նրան ուղղելու և նոր հանցագործությունները կանխելու համար»:

Նույն օրենսգրքի 48-րդ հոդվածի 2-րդ մասի համաձայն՝

«Պարժի նպատակն է վերականգնել սոցիալական արդարությունը, ուղղել պարժի ենթարկված անձին, ինչպես նաև կանխել հանցագործությունները»:

Նույն օրենսգրքի 61-րդ հոդվածի 2-րդ մասի համաձայն՝

«Պարժի տեսակը և չափը որոշվում են հանցագործության՝ հանրության համար վրանգավորության աստիճանով և բնույթով, հանցավորի անձը բնութագրող տվյալներով, այդ թվում՝ պատասխանատվությունը և պարիժը մեղմացնող կամ ծանրացնող հանգամանքներով»:

Նույն օրենսգրքի 70-րդ հոդվածի համաձայն՝

«1. Եթե դատարանը, կալանքի, ազատագրկման կամ կարգապահական գումարարկում պահելու ձևով պարիժ նշանակելով, հանգում է հետևության, որ դատապարտյալի ուղղվելը հնարավոր է առանց պարիժը կրելու, ապա կարող է որոշում կայացնել այդ պարիժը պայմանականորեն չկիրառելու մասին:

2. Պարիժը պայմանականորեն չկիրառելիս դատարանը հաշվի է առնում հանցավորի անձը բնութագրող տվյալները, պատասխանատվությունը և պարիժը մեղմացնող և ծանրացնող հանգամանքները (...):»:

Նույն օրենսգրքի 179-րդ հոդվածի համաձայն՝

1. Յուրացնելը կամ վարկելը՝ հանցավորին վարսիված ուրիշի գույքի հափշտակությունը զգալի չափերով

(...):

⁴ Տե՛ս, քրեական գործ, հատոր 24, էջեր 43-46:

2. Նույն գործողությունը, որը կատարվել է՝

1) պաշտոնեական դիրքն օգտագործելով,

(...):

3. Սույն հոդվածի առաջին կամ երկրորդ մասով նախատեսված գործողությունը, որը կատարվել է՝

1) առանձնապես խոշոր չափերով,

2) կազմակերպված խմբի կողմից,

(...):

11. Վճռաբեկ դատարանը ՀՀ քրեական օրենսգրքի 70-րդ հոդվածի կիրառման կապակցությամբ կայուն նախադեպային իրավունք է ձևավորել՝ իր մի շարք որոշումներում արձանագրելով, որ թեև պատիժը պայմանականորեն չկիրառելու հետ կապված ՀՀ քրեական օրենսգրքին ինչպես հանցագործությունների, այնպես էլ անձանց շրջանակի որևէ սահմանափակում չի նախատեսում, սակայն դատարանի հետևությունները պետք է, ի թիվս այլոց, հիմնված լինեն նաև հանցագործության հանրային վտանգավորության աստիճանի և բնույթի ամբողջական գնահատման վրա⁵ հաշվի առնելով այնպիսի գործոններ, ինչպիսիք են՝ օրենքով պահպանվող հասարակական հարաբերության բնույթը, մեղքի ձևը և տեսակը, պատճառված վնասի չափը, պատասխանատվությունը և պատիժը մեղմացնող ու ծանրացնող հանգամանքները, հանցագործության հանգամանքները, եղանակը, գործիքներն ու միջոցները, նպատակներն ու շարժառիթները և այլն⁶:

12. ՀՀ քրեական օրենսգրքի 179-րդ հոդվածով նախատեսված հանցավոր արարքն ընդգրկված է սեփականության դեմ ուղղված հանցագործությունների շարքում, ուստի ազատազրկման ձևով նշանակված պատիժը կրելու նպատակահարմարության հարցը լուծելիս արարքի հանրային վտանգավորության բնույթն ու աստիճանը, ինչպես նաև պատժի նպատակների իրացվելիության հարցը գնահատելու համատեքստում կարևոր նշանակություն ունի հանցագործությամբ պատճառված վնասի, դրա չափի, այն վերականգնված լինելու կամ չլինելու հանգամանքների գնահատումը: Վճռաբեկ դատարանը, անդրադառնալով սեփականության դեմ ուղղված հանցագործությունների դեպքում ՀՀ քրեական օրենսգրքի 70-րդ հոդվածի կիրառման խնդրին, իր որոշումներում մշտապես ընդգծել

⁵ Հանցագործության հանրային վտանգավորության աստիճանի և բնույթի վերաբերյալ, ի թիվս այլ որոշումների, մանրամասն տե՛ս Վճռաբեկ դատարանի՝ Գարուշ Մադաթյանի գործով 2009 թվականի փետրվարի 17-ի թիվ ԵՇԴ/0029/01/08, Արմեն Շահբազյանի գործով 2014 թվականի օգոստոսի 15-ի թիվ ԵՇԴ/0143/01/13, Արարատ Ավագյանի և Վահան Սահակյանի գործով 2014 թվականի հոկտեմբերի 31-ի թիվ ԵԿԴ/0252/01/13 որոշումները:

⁶ Տե՛ս Վճռաբեկ դատարանի՝ Թենգիզ Ուսուրովի գործով 2022 թվականի սեպտեմբերի 8-ի թիվ ԵԴ/0089/01/18, Սամսոն Ամիրխանյանի գործով 2012 թվականի նոյեմբերի 1-ի թիվ ԵԱԴԴ/0034/01/12, Արսեն Մկրտչյանի գործով 2012 թվականի դեկտեմբերի 5-ի թիվ ԼԴ/0093/01/12, Վանյա Բեգյանի գործով 2013 թվականի հոկտեմբերի 18-ի թիվ ՏԴ/0018/01/13, Արամայիս Հովհաննիսյանի գործով 2015 թվականի փետրվարի 27-ի թիվ ԳԴ/0014/01/14, Մհեր Հովհաննիսյանի գործով 2015 թվականի դեկտեմբերի 18-ի թիվ ԵԿԴ/0039/01/15 որոշումները:

է, որ հանցագործության հանրային վտանգավորության աստիճանի նվազման, ինչպես նաև սոցիալական արդարությունը վերականգնված լինելու հարցում հիմնավոր հետևության գալու տեսանկյունից հանցագործությամբ պատճառված նյութական վնասը վերականգնված լինելու հանգամանքն էական նշանակություն ունի⁷:

13. Մասնավորապես, ԱՀովսեփյանի գործով որոշման մեջ Վճռաբեկ դատարանն իրավական դիրքորոշում է արտահայտել այն մասին, որ «[Հ]ափշտակությունների և սեփականության դեմ ուղղված այլ հանցագործությունների դեպքում պատճառված նյութական վնասը հանցագործության հանրային վտանգավորության աստիճանի վրա ազդող կարևոր գործոն է, ինչը դատարանի կողմից պարիժ նշանակելու գործընթացում պետք է պարզաճ գնահատականի արժանանա: Մասնավորապես, որքան մեծ է հանցագործությամբ պատճառված վնասի չափը, այնքան բարձր է արարքի հանրային վտանգավորության աստիճանը, հետևաբար վնասը վերականգնված չլինելու պարագայում ինքնին նվազում է պարիժը պայմանականորեն չկիրառելու հավանականությունը: Ուարի քննարկվող հանցագործություններով պարիժ նշանակելիս և այն կրելու նպատակահարմարության հարցը որոշելիս դատարանը պետք է, ի թիվս այլ հանգամանքների, գնահատման ենթարկի հանցագործությամբ պատճառված վնասը, դրա չափը, ինչպես նաև՝ որքանով է այն մոտ կոնկրետ հանցակազմի հասարակ կամ որակյալ տեսակի առավելագույն կամ նվազագույն չափին, վնասը վերականգնված լինելու կամ չլինելու կամ մասնակի վերականգնված լինելու հանգամանքը և այլն: Մինևույն ժամանակ, հանցագործությամբ պատճառված վնասը վերականգնված չլինելու պարագայում հանցավորի անձը բնութագրող տվյալները (տարիք, առողջական վիճակ և այլն), ինչպես նաև առկա մեղմացնող հանգամանքները սանկցիայով նախատեսված պարժի նվազագույն չափ սահմանելու հիմք են:

Վերոնշյալ դիրքորոշումը նաև պայմանավորված է ՀՀ քրեական օրենսգրքի 48-րդ հոդվածի 2-րդ մասով սահմանված պարժի նպատակների իրացումն ապահովելու անհրաժեշտությամբ: Վճռաբեկ դատարանն ընդգծում է, որ գույքային բնույթի հանցագործություններում սոցիալական արդարության վերականգնումը հնարավոր է ապահովել պատճառված վնասի համարժեք հատուցմամբ և նախքան հանցագործությունը եղած իրադրության հնարավորինս վերականգնմամբ, իսկ քանի դեռ հանցագործությամբ փուժողին պատճառված վնասը չի հատուցվել, ինքս չի կարող լինել սոցիալական արդարությունը վերականգնված լինելու մասին: Ուարի հանցանք կատարած անձի նկատմամբ պետք է ընտրվի այնպիսի ներգործության

⁷ Տե՛ս, mutatis mutandis, Վճռաբեկ դատարանի՝ Գրիգոր Պետրոսյանի գործով 2010 թվականի դեկտեմբերի 23-ի թիվ ԵԿԴ/0126/01/10, Խաչատուր Բեգլարյանի գործով 2018 թվականի սեպտեմբերի 20-ի թիվ ԵԷԴ/0010/01/17, Մամվել Հովսեփյանի գործով 2017 թվականի ապրիլի 12-ի թիվ ԼԴ/0193/01/10, Ստեփան Մարտիրոսյանի գործով 2022 թվականի ապրիլի 8-ի թիվ ԵԴ/0060/01/19 որոշումները:

միջոց, որը կապահովի սոցիալական արդարության վերականգնումը, ինչպես նաև հանցավորի ուղղումը և նոր հանցագործությունների կանխումը»⁸:

14. Հիմք ընդունելով սույն որոշման 10-13-րդ կետերում վկայակոչված օրենսդրական կարգավորումները և դրանց հիման վրա Վճռաբեկ դատարանի արտահայտած իրավական դիրքորոշումները՝ Վճռաբեկ դատարանը վերահաստատում է իր դիրքորոշումն առ այն, որ սեփականության դեմ ուղղված հանցագործությունների վերաբերյալ գործերով ՀՀ քրեական օրենսգրքի 70-րդ հոդվածի կիրառման հարցը լուծելիս կարևոր նշանակություն ունի հանցագործությամբ պատճառված վնասի չափի, ամբաստանյալի կողմից դրա հատուցմանն ուղղված գործողությունների պատշաճ գնահատումը:

15. Դատարանների կողմից պատիժ նշանակելիս հաշվի առնվող օրենքով չնախատեսված մեղմացնող հանգամանքների չափանիշների վերաբերյալ Վճռաբեկ դատարանն իրավական դիրքորոշում է հայտնել Պ.Բայրամյանի գործով որոշման մեջ, որի համաձայն՝ «(...) Դատարանի լայն հայեցողության շրջանակներում է (...) անձի պատասխանատվությունը մեղմացնող հանգամանքների կիրառման հարցը, քանի որ համաձայն ՀՀ քրեական օրենսգրքի 62-րդ հոդվածի 2-րդ մասի՝ պատիժ նշանակելիս դատարանը կարող է հաշվի առնել նաև մեղմացնող այլ հանգամանքներ, որոնք նշված չեն նույն հոդվածի առաջին մասում: Այնուհանդերձ, դատարանի այս լիազորությունը բացարձակ չէ, և որպես մեղմացնող հաշվի առնվող հանգամանքները պետք է բավարարեն որոշակի չափանիշների: Դրանք են.

ա) հանգամանքը պետք է իրական լինի, այսինքն՝ գործով ձեռք բերված ապացույցները պետք է հաստատեն դրա առկայությունը,

բ) այն պետք է ողջամրորեն նվազեցրած լինի անձի կամ նրա կարարած արարքի հանրային վրանգավորությունը,

գ) այն հաստատված ճանաչելիս դատարանը պետք է պահպանի ապացուցման ընդհանուր քրեադատարական կանոնները. հանգամանքի առկայությունը հաստատող ապացույցները պետք է վերաբերելի և թույլատրելի լինեն, դրանք պետք է հետազոտված լինեն դատաքնության ընթացքում, ինչպես նաև պետք է պահպանվեն ապացույցների սրուգման և գնահատման օրենսդրական պահանջները»⁹:

Պ.Բայրամյանի գործով ձևավորած իրավական դիրքորոշումները Վճռաբեկ դատարանը վերահաստատել և զարգացրել է Ա.Հովհաննեսյանի գործով որոշմամբ՝ արձանագրելով հետևյալը. «[Ո]րպես անձի կամ նրա կարարած արարքի հանրային վրանգավորությունը ողջամրորեն նվազեցնող չի կարող գնահատվել այնպիսի հանգամանք, որը բնութագրական է անձանց լայն շրջանակին և բխում է անձի

⁸ Տե՛ս Վճռաբեկ դատարանի՝ Սամվել Հովսեփյանի գործով 2017 թվականի ապրիլի 12-ի թիվ ԼԴ/0193/01/10 որոշման 21.1 կետը:

⁹ Տե՛ս Վճռաբեկ դատարանի՝ Պարույր Բայրամյանի գործով 2007 թվականի հունիսի 1-ի թիվ ՎԲ-84/07 որոշման 4-րդ կետը:

կողմից քաղաքացիական հասարակությունում հասարակված կարգը պահպանելու պարտականությունից: Մասնավորապես, իրավահայտարար վարքագիծը բնորոշ է հասարակության լայն շրջանակներին և յուրաքանչյուր քաղաքացու հասարակական պարտքն է: Հետևապես անձի կողմից նախկինում հանցանք կատարած կամ դատապարտված չլինելը, ինչպես նաև նոր հանցանք չկատարելը չեն կարող դիտարկվել որպես անձի պարասիսանարվությունը և պարիժը մեղմացնող հանգամանքներ»¹⁰:

16. Հ.Հարությունյանի գործով որոշմամբ Վճռաբեկ դատարանն իրավական դիրքորոշում է արտահայտել այն մասին, որ «պարասիսանարվության և պարիժի անհատականացման հիմք են ոչ միայն կատարված արարքի հասարակական վրանգավորության աստիճանի, այլև հանցավորի անձը բնութագրող հատկանիշներ հանդիսացող նրա սոցիալ-հոգեբանական, սոցիալ-ժողովրդագրական, քրեաբանական և քրեա-իրավական, ֆիզիկական հատկությունների համակցության ճիշտ գնահատումը (ընտանեկան դրությունը, վարքագիծը աշխատանքում և կենցաղում, աշխատունակությունը, առողջական վիճակը, տարիքը, դատվածությունը և այլն)»¹¹:

17. Սույն գործի նյութերի ուսումնասիրությունից երևում է, որ ամբաստանյալ Հ.Մկրտչյանը Առաջին ատյանի դատարանի դատավճռով մեղավոր է ճանաչվել երկու դրվագ ՀՀ քրեական օրենսգրքի 179-րդ հոդվածի 3-րդ մասի 1-ին կետով, ՀՀ քրեական օրենսգրքի 308-րդ հոդվածի 1-ին մասով և ՀՀ քրեական օրենսգրքի 314-րդ հոդվածով նախատեսված հանցագործությունների կատարման մեջ: ՀՀ քրեական օրենսգրքի 179-րդ հոդվածի 3-րդ մասի 1-ին կետով նախատեսված երկու դրվագ հանցագործությունների համար նշանակված պատիժը՝ հինգ տարի վեց ամիս ժամկետով ազատազրկումը, ՀՀ քրեական օրենսգրքի 70-րդ հոդվածի հիման վրա պայմանականորեն չի կիրառվել:

Առաջին ատյանի դատարանն ամբաստանյալ Հ.Մկրտչյանի նկատմամբ ՀՀ քրեական օրենսգրքի 179-րդ հոդվածի 3-րդ մասի 1-ին կետով նախատեսված հանցագործությունների համար ազատազրկման ձևով պատիժ նշանակելիս և այն պայմանականորեն չկիրառելիս որպես պատասխանատվությունն ու պատիժը մեղմացնող հանգամանքներ է գնահատել նրա 50 տարեկան կին լինելը, նախկինում արատավորված՝ դատապարտված չլինելը, մեղքն ընդունելը և կատարած արարքների համար գղջալը, «Խաչատուր Աբովյանի անվան հայկական պետական մանկավարժական համալսարան» հիմնադրամում հատուկ մանկավարժության և հոգեբանության ամբիոնի դոցենտի աստիճան ունենալը, ինչպես նաև՝ ձախակողմյան հայմորիտ, C3-C4 ողերի մարմինների կոնկրետացեցիա, C3 ողի

¹⁰ Տե՛ս Վճռաբեկ դատարանի՝ Արամայիս Հովհաննեսյանի գործով 2015 թվականի փետրվարի 17-ի թիվ ԳԴ/0014/01/14 որոշման 20-րդ կետը:

¹¹ Տե՛ս Վճռաբեկ դատարանի՝ Հազարապետ Հարությունյանի գործով 2007 թվականի մարտի 30-ի թիվ ՎԲ-50/07 որոշման 4-րդ կետը:

անտերոլիստեզ, ողնաշարի պարանոցային հատվածի դեգեներատիվ-դիստրոֆիկ փոփոխություններ ունենալը¹²:

Վերաքննիչ դատարանի որոշմամբ ամբաստանյալ Հ.Մկրտչյանի նկատմամբ ՀՀ քրեական օրենսգրքի 308-րդ հոդվածի 1-ին մասով և 314-րդ հոդվածով քրեական հետապնդումը դադարեցվել է՝ քրեական պատասխանատվության ենթարկելու վաղեմության ժամկետներն անցնելու հիմքով:

Վերաքննիչ դատարանն իր դատական ակտում արձանագրել է, որ ամբաստանյալ Հ.Մկրտչյանի նկատմամբ երկու դրվագ ՀՀ քրեական օրենսգրքի 179-րդ հոդվածի 3-րդ մասի 1-ին կետով նախատեսված հանցագործությունների համար նշանակված վերջնական պատիժը պայմանականորեն չկիրառելով՝ առաջին ատյանի դատարանը եկել է հիմնավոր հետևության¹³:

18. Նախորդ կետում շարադրված փաստական հանգամանքները գնահատելով սույն որոշման 11-16-րդ կետերում մեջբերված իրավական դիրքորոշումների լույսի ներքո՝ Վճռաբեկ դատարանն արձանագրում է, որ ստորադաս դատարանները Հ.Մկրտչյանի նկատմամբ նշանակված պատիժը պայմանականորեն չկիրառելիս մեղսագրված հանցագործությունների հանրային վտանգավորության բնույթի և աստիճանի, ինչպես նաև սոցիալական արդարության վերականգնման հնարավորության գնահատման համատեքստում պատշաճ վերլուծության և գնահատման չեն ենթարկել՝

- մեղսագրված հանցագործությունների հետևանքով պատճառված վնասի չափը, մասնավորապես այն, որ Հ.Մկրտչյանի կողմից ՀՀ քրեական օրենսգրքի 179-րդ հոդվածի 3-րդ մասի 1-ին կետով նախատեսված հանցավոր արարքների կատարման հետևանքով պետությանը պատճառվել է 33.798.091 ՀՀ դրամ գումարի չափով վնաս, որը տասնապատիկ գերազանցում է հափշտակությունների համար նախատեսված առանձնապես խոշոր չափի նվազագույն շեմը (ՀՀ քրեական օրենսգրքի 175-րդ հոդվածի 4-րդ մասի համաձայն՝ առանձնապես խոշոր չափ է համարվում հանցագործության պահին սահմանված նվազագույն աշխատավարձի երեքհազարապատիկը գերազանցող գումարը),

- հանցագործությունների հետևանքով պատճառված վնասը վերականգնված չլինելու հանգամանքը: Այսպես, Առաջին ատյանի դատարանն իր դատավճռում արձանագրել է, որ Հ.Մկրտչյանն ընդունում է պետությանը վնաս պատճառելու հանգամանքը, վերջինիս բանկային հաշիվներում առկա գումարը՝ 2.580.614 ՀՀ դրամի չափով, գտնվում է արգելանքի տակ, ևս 1.100.000 ՀՀ դրամ գումարը որպես վնասի հատուցում մուծել է ՀՀ քննչական կոմիտեի դեպոզիտ հաշվին, ինչպես նաև քրեական գործում չկա այնպիսի փաստ, որ Հ.Մկրտչյանը վնասը չի հատուցել չարամտության պատճառով, այլ՝ միայն իրեն ներկայացված վնասի չափի հետ

¹² Տե՛ս սույն որոշման 7-րդ կետը:

¹³ Տե՛ս սույն որոշման 8-րդ կետը:

համաձայն չլինելու և հնարավոր գումարի բացակայության հետևանքով¹⁴, բացի այդ, հանցագործությանը պատճառված վնասն ամբողջությամբ վերականգնված չլինելու հանգամանքը պատիժը պայմանականորեն չկիրառելու հիմքում դնելու պարագայում անձին ազատությունից զրկելը պայմանավորվում է միմիայն պատճառված վնասը հատուցված չլինելու հանգամանքով: Վերաքննիչ դատարանն էլ իր որոշմամբ արձանագրել է, որ թեև պատճառված վնասն ամբողջությամբ վերականգնված չէ, սակայն գործի քննության ընթացքում Հասմիկ Մկրտչյանը հատուցել է վնասի որոշակի մասը, ինչպես նաև վերաքննիչ բողոքի քննության ընթացքում ներկայացրել է իր անվամբ հաշվին 5000000 ՀՀ դրամի առկայության վերաբերյալ «Արարատբանկ» ԲԲ ընկերությունից ստացված քաղվածքը¹⁵:

Վճռաբեկ դատարանն անհրաժեշտ է համարում արձանագրել, որ հանցագործությանը պատճառված վնասը չհատուցելու չարամտության բացակայությունը, այդ թվում՝ դրա չափի հետ համաձայն չլինելու, անհրաժեշտ չափի դրամական միջոցների բացակայության պատճառով, անձի նկատմամբ ազատագրկման ձևով նշանակված պատիժը պայմանականորեն չկիրառելու հիմնավորվածության տեսանկյունից չի կարող գնահատվել որպես պատճառված վնասը չվերականգնելու ողջամիտ արդարացում, իսկ Հ.Մկրտչյանի անվամբ բանկային հաշվին գումարի առկայության մասին քաղվածքն ու վերջինիս կողմից վնասի հատուցման պատրաստակամություն հայտնելն ինքնին չեն կարող դիտարկվել իբրև պատճառված վնասի հատուցման ուղղությամբ բավարար քայլերի ձեռնարկում: Ինչ վերաբերում է Առաջին ատյանի դատարանի այն եզրահանգմանը, որ հանցագործությանը պատճառված վնասն ամբողջությամբ վերականգնված չլինելը պատիժը պայմանականորեն չկիրառելու հիմքում դնելու պարագայում անձին ազատությունից զրկելը պայմանավորվում է միմիայն պատճառված վնասը հատուցված չլինելու հանգամանքով, Վճռաբեկ դատարանը հարկ է համարում նշել, որ ոչ թե անձին ազատությունից զրկելն է պայմանավորվում վնասը հատուցված չլինելու հանգամանքով, այլ անձի նկատմամբ ազատագրկման ձևով նշանակված պատիժը պայմանականորեն չկիրառելու նպատակահարմարությունը: Այսպիսով, Վճռաբեկ դատարանը փաստում է, որ գործի նյութերում բացակայում է Հ.Մկրտչյանի կողմից իրեն մեղսագրվող հանցագործությունների հետևանքով պետությանը պատճառված վնասի հատուցման ուղղությամբ հետագա քայլեր ձեռնարկելու մասին վկայող որևէ փաստական տվյալ:

- Ամբաստանյալ Հ.Մկրտչյանին մեղսագրվող հանցագործության վտանգավորության բարձր աստիճանը, մասնավորապես այն, որ Հասմիկ Մկրտչյանին մեղսագրվում է երկու դրվագ ՀՀ քրեական օրենսգրքի 179-րդ հոդվածի 3-րդ մասի 1-ին կետով նախատեսված ծանր հանցագործությունների կատարում՝ պաշտոնեական դիրքն օգտագործելով:

¹⁴ Տե՛ս սույն որոշման 7-րդ կետը:

¹⁵ Տե՛ս սույն որոշման 8-րդ կետը:

19. Նախորդ կետում շարադրված փաստական հանգամանքների գնահատման հիման վրա Վճռաբեկ դատարանն արձանագրում է, որ Հ.Մկրտչյանին մեղսագրված հանցագործությունների հետևանքով պատճառված վնասի չափը և այն տևական ժամանակի ընթացքում վերականգնված չլինելու հանգամանքը (պատճառված 33.798.091 ՀՀ դրամ գումարի չափով վնասի վերականգնման նպատակով Հ.Մկրտչյանը ՀՀ քննչական կոմիտեի դեպոզիտ հաշվին մուծել է ընդամենը 1.100.000 ՀՀ դրամ գումար) վկայում են նրան վերագրվող հանցագործությունների հանրային վտանգավորության բարձր աստիճանի և նրա նկատմամբ ազատագրկման ձևով նշանակված պատիժը պայմանականորեն չկիրառելու դեպքում պատժի նպատակներից՝ սոցիալական արդարության վերականգնման անհրատեսականության մասին, ինչը, սակայն, ստորադաս դատարանների կողմից պատշաճ գնահատականի չի արժանացել:

20. Անդրադառնալով ամբաստանյալ Հ.Մկրտչյանի պատասխանատվությունը և պատիժը մեղմացնող հանգամանքների և նրա անձը բնութագրող տվյալների վերաբերյալ ստորադաս դատարանների կողմից արված հետևությունների հիմնավորվածությանն ու իրավաչափությանը՝ Վճռաբեկ դատարանը հարկ է համարում արձանագրել հետևյալը.

ա) ամբաստանյալ Հ.Մկրտչյանի կողմից գործի քննության ընթացքում պատշաճ վարքագիծ դրսևորելը, այդ թվում՝ հանցավոր արարքներ կատարելուց զերծ մնալը, չի կարող գնահատվել որպես վերջինիս հետհանցավոր դրական վարքագծի մասին վկայող հանգամանք, իսկ նախկինում դատապարտված չլինելը չի կարող գնահատվել որպես նրա պատասխանատվությունը և պատիժը մեղմացնող հանգամանք, քանի որ իրավահպատակ վարքագիծ դրսևորելը, մասնավորապես՝ նախկինում դատապարտված չլինելը, գործի քննության ընթացքում այլ հանցավոր արարքներ կատարելուց զերծ մնալը, քննությունից և դատից չխուսափելը, բնորոշ են հասարակության լայն շրջանակներին և յուրաքանչյուր քաղաքացու հասարակական պարտքի մասն են կազմում:

բ) ամբաստանյալ Հ.Մկրտչյանի 50 տարեկան կին լինելը, «Խաչատուր Աբովյանի անվան հայկական պետական մանկավարժական համալսարան» հիմնադրամում հատուկ մանկավարժության և հոգեբանության ամբիոնի դոցենտի պաշտոն ունենալը, վերաբերելով անձի սոցիալ-ժողովրդագրական և ֆիզիկական հատկություններին, հանդիսանում են ոչ թե պատասխանատվությունը և պատիժը մեղմացնող հանգամանքներ, այլ ամբաստանյալ Հ.Մկրտչյանի անձը բնութագրող տվյալներ, իսկ պատճառված նյութական վնասը՝ որպես սեփականության դեմ ուղղված հանցագործության հանրային վտանգավորության աստիճանի վրա ազդող կարևոր գործոն, ամբաստանյալի կողմից վերականգնված չլինելու պարագայում նրա անձը բնութագրող հիշյալ տվյալներն իրենց իրավական կշռով բավարար չեն ամբաստանյալի նկատմամբ ազատագրկման ձևով նշանակված պատիժը պայմանականորեն չկիրառելու համար:

Վերոշարադրյալի հիման վրա Վճռաբեկ դատարանն արձանագրում է, որ ամբաստանյալ Հ.Մկրտչյանի պատասխանատվությունը և պատիժը մեղմացնող հանգամանքների վերաբերյալ ստորադաս դատարանների հետևությունները հիմնավոր չեն:

21. Հիմք ընդունելով վերոգրյալը՝ Վճռաբեկ դատարանն արձանագրում է, որ սույն գործով Վերաքննիչ դատարանը, օրինական ուժի մեջ թողնելով Առաջին ատյանի դատարանի դատական ակտը, թույլ է տվել ՀՀ քրեական օրենսգրքի 10-րդ, 48-րդ, 61-րդ և 70-րդ հոդվածների ոչ ճիշտ կիրառում, ինչը հանգեցրել է նաև 1998 թվականի հուլիսի 1-ին ընդունված ՀՀ քրեական դատավարության օրենսգրքի (այսուհետ՝ ՀՀ քրեական դատավարության օրենսգիրք) 358-րդ հոդվածի պահանջներին չհամապատասխանող դատական ակտի կայացման: Այսինքն՝ թույլ են տրվել ՀՀ քրեական դատավարության օրենսգրքի 397-րդ և 398-րդ հոդվածներով նախատեսված նյութական ու դատավարական իրավունքի խախտումներ, որոնք իրենց բնույթով էական են և հիմք են դատական ակտը բեկանելու ու նոր քննության ուղարկելու համար:

Վճռաբեկ դատարանն արձանագրում է, որ նոր քննության ընթացքում Վերաքննիչ դատարանը, վերացնելով արձանագրված խախտումները, ամբաստանյալ Հ.Մկրտչյանին մեղսագրված հանցավոր արարքների բնույթի և հանրային վտանգավորության աստիճանի, նրա անձը բնութագրող տվյալների, պատասխանատվությունն ու պատիժն անհատականացնող այլ հանգամանքների պատշաճ գնահատման արդյունքում նրա նկատմամբ ազատազրկման ձևով նշանակված պատիժը պայմանականորեն չկիրառելու հարցում պետք է հանգի համապատասխան հետևության:

Վճռաբեկ դատարանը գտնում է նաև, որ ամբաստանյալ Հ.Մկրտչյանի նկատմամբ որպես խափանման միջոց ընտրված չհեռանալու մասին ստորագրությունը պետք է թողնել անփոփոխ:

Ելնելով վերոգրյալից և ղեկավարվելով Հայաստանի Հանրապետության Սահմանադրության 162-րդ, 163-րդ, 171-րդ հոդվածներով, Հայաստանի Հանրապետության քրեական դատավարության օրենսգրքի 39-րդ, 43-րդ, 361.1-րդ, 415.1-րդ, 418.1-րդ, 419-րդ, 422, 423-րդ հոդվածներով՝ Վճռաբեկ դատարանը

Ո Ր Ո Շ Ե Ց

1. Վճռաբեկ բողոքը բավարարել մասնակիորեն: Ամբաստանյալ Հասմիկ Ռազմիկի Մկրտչյանի նկատմամբ երկու դրվագ ՀՀ քրեական օրենսգրքի 179-րդ հոդվածի 3-րդ մասի 1-ին կետով նշանակված պատժի մասով Երևան քաղաքի առաջին ատյանի ընդհանուր իրավասության դատարանի 2019 թվականի դեկտեմբերի 18-ի դատավճիռն անփոփոխ թողնելու մասին ՀՀ վերաքննիչ քրեական

դատարանի 2021 թվականի հոկտեմբերի 21-ի որոշումը բեկանել և գործն ուղարկել նույն դատարան՝ նոր քննության:

2. Ամբաստանյալ Հասմիկ Ռազմիկի Մկրտչյանի նկատմամբ որպես խափանման միջոց ընտրված չհեռանալու մասին ստորագրությունը թողնել անփոփոխ:

3. Որոշումն օրինական ուժի մեջ է մտնում կայացման պահից, վերջնական է և ենթակա չէ բողոքարկման:

Նախագահող՝

Ս.ԶԻՉՈՅԱՆ

Դատավորներ՝

Կ.ԲԻՇԱՐՅԱՆ

Ա.ԿՐԿՅԱՇԱՐՅԱՆ